

## OPIS ZADATKA

### EKSPERT ZA MONITORING I EVALUACIJU

- A. POZICIJA:** Ekspert za monitoring i evaluaciju  
**B. MJESTO RADA:** Bosna i Hercegovina (BiH)  
**C. REFERENCA NA PROJEKAT:** Sistemska transparentnost u izbornom procesu (STEP)  
**D. TRAJANJE PROJEKTA:** 1. januar 2020. – 31. januar 2023.  
**E. TRAJANJE ZADATKA I IZVJEŠTAVANJE:** Trajanje angažmana Eksperta za monitoring i evaluaciju planira se na period do ukupno 40 dana u periodu septembar 2020 – decembar 2022.

#### F. POZADINA

Centri civilnih Inicijativa (CCI), kao koordinator projekta, zajedno sa Centrom za građansku saradnju Livno, Forumom građana Tuzla, Udruženjem građana "Demokratija-Organizovanje-Napredak- DON Prijedor i Institutom za razvoj mladih i zajednica "Perpetuum mobile" iz Banja Luke, kao partnerima na projektu, a u okviru koalicije za slobodne i poštene izbore Pod lupom, implementiraju projekat Sistemska transparentnost u izbornom procesu (STEP) kog finansira Evropska unija (EU). Projektom STEP će se direktno povećati snaga i vidljivost organizacija civilnog društva (OCD) u građanskom posmatranju izbora i podržati razvoj učešća civilnog društva u procesu demokratizacije u zemlji, obuhvatajući dva izborna ciklusa u BiH: Lokalni izbori 2020. i Opći izbori 2022.

Projektom STEP nastoji se ojačati građansko učešće i osnažiti pokret OCD širom zemlje kako bi se podržali slobodni i poštene izbori u Bosni i Hercegovini, pri tom smanjujući rizik od izbornih prevara i manipulacija. Poticanjem interesa građana za proaktivnim pristupom u izražavanju svoje slobodne političke volje je cilj kojem projekat aktivno doprinosi uz razumijevanje da izbori predstavljaju osnovni i najvažniji oblik građanskog učešća u procesu demokratizacije u zemlji.

Kroz projekat STEP osmišljen je niz aktivnosti podijeljenih u pet komponenti, slijedeći imperativ izgradnje kapaciteta OCD-a u cilju jačanja građanskog sektora da se osposobi za dalje, jače, vidljive i održive aktivnosti posmatranja izbora u budućnosti. STEP se sastoji od sljedećih pet komponenti:

- 1) Izgradnja kapaciteta i razvoj mreža
- 2) Posmatranje izbora
- 3) Razvoj javnih politika i zagovaranje
- 4) Komunikacija s javnostima i edukacija birača
- 5) Monitoring medija

#### G. CILJ PROJEKTA

Generalni cilj projekta STEP je povećati ulogu i kapacitet građanskog društva u BiH da na efektivan način podržava dalju demokratsku konsolidaciju putem doprinosa slobodnim i poštenim izborima u BiH. Specifični ciljevi projekta STEP su: 1) OCD se direktno angažuju za posmatranje izbora, time učvršćujući demokratske vrijednosti, potičući građansko učešće i demokratski razvoj

i 2) osnažene OCD da jačaju svoju ulogu u demokratskim procesima i saradnju s medijima i građanima.

## H. OPSEG POSLA

Centri civilnih inicijativa (CCI) će angažovati Eksperta za monitoring i evaluaciju u svrhu uspostave sistema za monitoring i evaluaciju, evaluacije aktivnosti sa fokusom na rezultate, te izradu periodičnih izvještaja o evaluaciji na trogodišnjem projektu STEP kog finansira Evropska unija (EU).

Ekspert koji posjeduje znanja i vještine iz oblasti monitoringa i evaluacije na projektima EU, kao i relevantno iskustvo rada na projektima organizacija civilnog društva iz oblasti monitoringa i evaluacije, će se angažovati na period do 40 dana (shodno ponudi usluga i potrebama na projektu) u periodu septembar 2020 - decembar 2022. godine u cilju isporuke sljedećih poslova.

- Uspostava sistema monitoringa i evaluacije na projektu STEP, koji se bavi izgradnjom kapaciteta organizacija civilnog društva u BiH u oblasti posmatranja izbora
- Mentorstvo projektnom osoblju u oblasti monitoringa (i evaluacije) na projektu STEP tokom trajanja projekta
- Evaluacija aktivnosti na projektu STEP tokom trajanja projekta, sa fokusom na rezultate
- Izrada dva periodična izvještaja o evaluaciji aktivnosti i rezultata na projektu STEP sa preporukama, od kojih se jedan odnosi na mid-term evaluaciju, a jedan na ex-post evaluaciju

Ciljevi angažmana su:

- Jačanje sistema monitoringa i evaluacije na nivou projekta STEP i organizacionom nivou
- Procjena uspješnosti i uticaja projekta STEP, sa fokusom na projektne rezultate
- Uspostavljanje praksi planiranja i vrednovanja rezultata projekta STEP na bazi prikupljenih informacija i činjenica, u skladu sa metodologijom monitoringa i evaluacije
- Razvijanje kapaciteta projektnog osoblja u oblasti monitoringa projektnih aktivnosti

Od eksperta se očekuje:

- Da uspostavi sistem i razvije metodologiju monitoringa i evaluacije koji će biti primjenjeni u praksi
  - Sistem i metodologija monitoringa mora osigurati prikupljanje podataka o implementaciji aktivnosti i progresu na projektu, prikupljanje i obradu informacije o ispunjavanju projektnih ciljeva, preporuke za pomoć u donošenju odluka na nivou menadžmenta projekta, te povratne informacije o progresu na projektu od relevantnih dionika.
  - Sistem i metodologija evaluacije mora osigurati kredibilitet i objektivnost evaluacije kroz angažman nezavisnog eksperta, transparentnost procesa, participativnost dionika (desk istraživanja, intervjui, evaluacijski upitnici i sl) u cilju različitih perspektiva, korisne nalaze i preporuke, te prezentaciju istih onima koji donose odluke na nivou projekta i šire.
- Da pruži mentorstvo i doprinese izgradnji kapaciteta projektnog osoblja u procesu monitoringa projektnih aktivnosti
- Da izvrši evaluaciju relevantnosti, efektivnosti, efikasnosti i uticaja projektnih aktivnosti, sa fokusom na rezultate projekta u skladu sa ciljevima iz projektnog prijedloga i matrice logičkog okvira i ostalih relevantnih dokumenata

- Da izradi i dostavi dva periodična izvještaja, svaki na najmanje 5 stranica teksta, o evaluaciji aktivnosti i rezultata na projektu, sa preporukama, od kojih se prvi odnosi na mid-term evaluaciju, a drugi na ex-post evaluaciju
- Da potpiše pravno valjani ugovor u vezi angažmana
- Da bude na raspolaganju tokom ugovornog perioda u cilju nesmetane isporuke zadataka
- Da bude na raspolaganju tokom planiranog perioda od 40 dana u periodu juli 2020 – decembar 2022.
- Da obavi posao i prati dinamiku aktivnosti u skladu sa ugovorenim obavezama i striktno poštuje sve dogovorene i usaglašene rokove
- Da menadžeru projekta obezbijedi izvještaje o angažmanu svakih 10 mjeseci angažmana (3 puta tokom angažmana)
- Da, po potrebi, inicira redovne ili vanredne sastanke sa odgovornim osobama iz CCI-ja ili Pod lupom u cilju realizacije dogovorenih zadataka

Okvirni rokovi pri ovom angažmanu koji moraju biti ispoštovani, a oko kojih će se naknadno usaglasiti angažovani ekspert i odgovorna osoba u CCI-u, su:

DATUM	OPIS POSLA	PROCIJENJENI BROJ DANA ANGAŽMANA
septembar – oktobar 2020.	Uspostava sistema monitoringa i evaluacije na projektu STEP, koji se bavi izgradnjom kapaciteta organizacija civilnog društva u BiH u oblasti posmatranja izbora	10
septembar 2020 – decembar 2022.	Mentorstvo u oblasti monitoringa (i evaluacije) na projektu STEP tokom trajanja projekta	15 (očekivano 5 dana godišnje)
septembar – oktobar 2021. i novembar – decembar 2022.	Evaluacija aktivnosti na projektu STEP tokom trajanja projekta, sa fokusom na rezultate  Izrada dva periodična izvještaja o evaluaciji aktivnosti i rezultata na projektu STEP sa preporukama, od kojih se jedan odnosi na mid-term evaluaciju a jedan na ex-post evaluaciju	15

## I. AUTORSKA PRAVA

Sadržaj informacija dobijenih tokom angažmana Eksperta za monitoring i evaluaciju podliježe zaštiti i u vlasništvu je CCI-ja. Korištenje takvog sadržaja, djelomično ili u cjelosti, od strane trećih strana bez dozvole vlasnika nije dozvoljeno. Korištenje informacija je moguće i opravdano samo ukoliko je takva upotreba sastavni dio aktivnosti projekta koji se provodi.

## J. IZVJEŠTAVANJE

Ekspert za monitoring i evaluaciju pripremit će izvještaje i dokumente prema opsegu Opisa zadatka i dogovoru sa menadžerom projekta. On/a će menadžeru projekta predstaviti izvještaj o svom anagažmanu svakih 10 mjeseci angažmana na projektu (3 puta tokom angažmana). Svi izvještaji će biti napisani na engleskom jeziku.

## K. VRIJEDNOST PONUDE I PLAĆANJE

Maksimalna raspoloživa vrijednost ugovora je 10 000 EUR što uključuje sve odgovarajuće poreze, doprinose i naknade na vrijednost ugovora. Finansijska ponuda ne smije preći ovaj maksimalni iznos.

## L. KVALIFIKACIJE EKSPERTA

Ekspert za monitoring i evaluaciju će ispunjavati minimalno sljedeće zahtjeve:

- Posjedovati znanje i vještine iz oblasti monitoringa i evaluacije na projektima, koje dokazuje navodeći reference angažmana na ovim ili sličnim poslovima (uz kratki opis projekata, potrebno je napisati period trajanja i vrijednost budžeta projekata koje se navode kao reference);
- Posjedovati relevantno iskustvo rada na projektima organizacija civilnog društva na ovim ili sličnim poslovima od najmanje 5 godina;
- Govori B/H/S jezike, engleski jezik i posjeduje dobre vještine rada na računaru;
- Biti dostupan/na u toku planiranog perioda do 40 dana u periodu septembar 2020 – decembar 2022. godine, prema naknadno dogovorenom i usaglašenom planu;
- Poštivati ugovorne obaveze, opis posla i dogovorene rokove bez kašnjenja.

Vrednovanje pristiglih ponuda je bazirano na najboljem odnosu kvaliteta tehničke ponude i iznosa finansijske ponude (best value for money). Ovaj princip dodjeljuje 80% ocjene za tehnički dio ponude i 20% ocjene za finansijski dio, te je najbolja ponuda ona koja ima najviše bodova u tom omjeru.

Kriteriji za vrednovanje tehničkog dijela pristiglih ponuda predstavljeni su u tabeli ispod.

	Maximum	Initial score	Revised score
Stepen znanja i vještina iz oblasti monitoringa i evaluacije	[60]		
Godine relevantnog iskustva u oblasti rada civilnog društva	[20]		
Kompleksnost vrednovanih projekata	[20]		
<b>Overall score</b>	<b>100</b>		

## M. NAČIN DOSTAVLJANJA I ROK

Svi zainteresovani aplikanti moraju osigurati da navedena dokumentacija bude dostavljena na navedenu adresu najkasnije do 09.09.2020. godine do 16:00 sati.

### • Tehnička aplikacija

- Europass CV uključujući spisak referenci i radnog iskustva ili isporučene konsultacije koje potvrđuju kvalifikacije navedene pod tačkom "L" ovog opisa zadatka.

- **Finansijska ponuda**

- Finansijska ponuda mora biti u skladu sa tačkom “K” ovog opisa zadatka, uz napomenu da su u obzir uzeti svi zadaci navedeni pod tačkom “H” opisa zadatka.

Ponuda (dvije zasebne koverta, tehnička i finansijska) se mora dostaviti poštom ili lično na sljedeću adresu: Centri civilnih inicijativa, Ludviga Kube 7, 75 000 Tuzla (Napomena: Aplikacija za poziciju Eksperta za monitoring i evaluaciju) do roka navedenog pod tačkom “M”.